

رسالة من معتقل قاصر بالدقهلية لوالدته "كل شوية تعذيب وضرب وإهانة" واحنا مضربين عن الأكل



السبت 28 ديسمبر 2013 12:12 م

نافذة مصر

أرسل الطالب عمر البدراوي ، 17 سنة، رسالة لوالدته من سجن دركنس بالدقهلية جاء في نصها:

(بسم الله الرحمن الرحيم ماما إزيك اولاً .. يارب تكونى كويسه .. ابقى أدى الجواب ده لأختى الكبيرة تقرأه بصى يا ستى .. أنا اترحتت يوم الأربعاء اللي فات .. المهم اليوم ده كان يوم زياره ,, اول لما خلصتى الزياره قالوا كل اوزه رقم "1" تلم حاجتها ,وكل الاوزه دى اخوان ,, وبعدين طلعتنا كلنا الطريقه وكهربونا بالصاعق ,, فرقونا "كل شويه ف اوزه" ...وانا ف اوزه "1" ومعايا "4" غيرى,, وكل شويه تعذيب وضرب واهانه والصراحه اتبهدلنا وبنام على بطننا اول لما الضابط يخش علينا وبيهددونا ان احنا متكلمش ف السياسه او الدين,, يا إما هيعملونا قضيه مخدرات ودى فيها 5 سنين سجن لو ثبتت علينا ,, فكلنا قررنا نعمل اضراب عن الطعام وهما لما عرفوا كدا نزلولنا المباحث والرشطه ووكلوهم بأن هم هيمضونا ان احنا تبع الاخوان وتبع جماعه ارهابيه,, وورونا ف الجرايد ان فيها 5 سنين سجن وقالولنا ان احنا هنتعذب,, بس انا لسه مضرب عن الاكل من يوم 26/12/2013 المغرب ولسه مكلتش حاجه وانا عايزك تعرفى الدنيا كلها وتنشروا ع النت كدا ان معتقلين دركنس عاملين اضراب لغايه م يعاملونا كويس ويجمعنا تانى, متزعليش ياماما تانى بس مش عايزك تيجيلي زياره تانى ف دركنس عشان خاطرى ,, وكلى ومتعملش زييى انا دلوقتى بأدى رسالتى وانتى لازم تأدى رسالتك برا وسلميلي على اخواتى وادعى ان ربنا يصبرنا ويثبتنا ولو عايزانى ابقى كويس كلى ومتجيليش زياره هنا تانى خالص بحبك ياماما ,, لا إله إلا الله